

皇朝詞林典故


卷十七  
之十八

PL  
2548  
C55  
1867  
V.10-18

LIBRARY

MAR 24 1975







皇朝詞林典故卷十七

官制

史官肇自黃帝。周禮春官具載五史。晉魏以來。祕書著作。皆翰林之職也。翰林之文。始見漢賦。至唐以之名官。洎乎宋元。品秩漸備。有明一代。尤重茲選。蓋合前代侍從知制誥史館而



皇朝詩林典故 卷一  
一之。膺是秩者。世以爲榮焉。我

朝稽古右文。

恩濃詞苑。斟酌釐定。視往制爲尤詳。遴選有  
法。考察有方。遷除有階。兼攝有任。於  
以收政事文章之效。而消其浮華躁  
競之心。百數十年。變通損益。燦然昭  
垂。敢或畧歟。



國初置文館於

盛京。天聰十年三月。改文館爲內三院。

曰內國史院。曰內祕書院。曰內弘文

院。設大學士每院各一員。順治元年

二月增設內三院學士。每院各一員。

五月。

國朝定鼎京師。令各衙門悉仍明制。十



三才圖會卷一  
一月。定翰林院爲正三品衙門。未設  
滿員。設漢學士一員。秩正三品。侍讀

學士一員。侍講學士一員。秩正四品。

侍讀二員。侍講二員。秩正五品。修撰

秩從六品。編修秩正七品。檢討秩從

七品。俱無定員。庶吉士三年一選。亦

無定員。並設典簿二員。孔目二員。裁



博士。侍書。待詔。二年三月。定內三院  
爲二品衙門。四月。令翰林院由內三  
院補授。閏六月。裁翰林院歸內三院。  
稱內翰林國史院。內翰林祕書院。內  
翰林弘文院。定內三院官制。大學士  
二員。學士四員。侍讀六員。六年正月。  
更定內三院官制。每院各設學士一



員。侍讀學士一員。侍講學士一員。侍讀一員。侍講一員。八年四月。增設內

三院侍讀學士各三員。十年六月。增

設內三院大學士各一員。十五年七

月。改內三院爲內閣。置翰林院。大學

士加殿閣銜。設滿漢掌院學士各一

員。秩正五品。漢侍讀學士三員。侍講



學士三員。秩從五品。侍讀三員。侍講三員。秩正六品。餘如元年定制。十七年九月。設翰林院待詔四員。以中書啟心郎。員外郎。主事。兼太常寺光祿寺少卿者四人管理。十八年六月。裁內閣翰林院。復置內三院。每院設滿大學士各一員。漢大學士各一員。滿



學士各二員。漢軍學士各一員。漢學士各一員。康熙元年二月。增設內三院滿侍讀學士各一員。漢侍讀學士各一員。滿侍讀各一員。漢侍讀各一員。八年七月。裁內三院滿學士各一員。九年八月。復改內三院爲內閣。置翰林院。十月。設滿漢掌院學士各一



員兼禮部侍郎銜。秩正三品。十二月。  
設滿漢侍讀學士各三員。侍講學士  
各三員。侍讀各三員。侍講各三員。修  
撰編修檢討無定員。品級俱如順治  
十五年定制。並設滿漢典簿各一員。  
孔目各一員。待詔各二員。雍正三年  
十二月。晉翰林院侍讀學士侍講學



士秩從四品。侍讀侍講秩從五品。八年四月。晉掌院學士秩從二品。乾隆五十年二月。裁滿侍讀學士侍講學士侍讀侍講各一員。五十八年五月。除掌院學士兼禮部侍郎銜。

**掌院學士**

學士掌院事。卽承旨職也。



國初設有專員。

康熙二十八年五月。

諭大學士。翰林掌院一官。職任緊要。必文學淹通。衆所推服者。始克勝任。凡翰林撰擬之文。亦須掌院詳加刪潤。然後成章。聞明代大學士有兼管掌院之例。大學士徐元文著兼管翰林院掌院學士事。



謹按向例。滿掌院學士缺出。以詹事。  
少詹事。讀講學士。祭酒。庶子。暨科甲  
出身之太常寺卿。光祿寺卿。太僕寺  
卿。通政副使。大理寺少卿。鴻臚寺卿。  
太常寺少卿。太僕寺少卿。內閣侍讀  
學士爲應陞。侍讀。侍講。洗馬。司業。暨  
科甲出身之通政使參議。光祿寺少



卿。鴻臚寺少卿。科道等官。爲其次應  
陞。漢掌院學士缺出。以詹事。少詹事  
讀講學士。祭酒爲應陞。庶子。侍讀侍  
講爲其次應陞。由吏部開列具題。自  
是年後。皆以重臣兼領。遇有缺出。恭  
候

特簡。停其開列具題。如奉



旨令開列。卽以大學士各部尙書繕單進呈。

經筵講官

順治十四年九月。設經筵講官。滿漢各八員。

康熙十年定制。滿經筵講官缺出。以內閣學士。掌院學士。詹事。少詹事。讀講學士。及尙書侍郎。左都御史。副都



御史通政使。大理寺卿之曾任內閣  
學士掌院學士讀講學士者列名。漢  
經筵講官缺出以內閣學士掌院學  
士詹事少詹事讀講學士祭酒及尙  
書侍郎左都御史副都御史等官之  
由翰林陞任者列名。以原銜充補。  
謹按向例。大學士不兼經筵講官。惟



徐元文。熊賜履。張英。相繼以尙書擢  
大學士。蒙

特恩。仍予兼充。蓋三臣在經筵最久。均異數  
也。後遂沿之。

十六年定制。滿經筵講官缺出。令小  
九卿之由翰林陞任者。亦得列名。

乾隆四十一年十二月。翰林院題充



經筵講官得

旨。王際華。三月出缺。何以此時始行進呈。尋覆奏。經筵講官。如在

臨御經筵以後出缺者。俱於年終具題。向來相沿。究未妥協。請嗣後遇有缺出。隨時具題。從之。

日講起居注官



順治十二年三月。

諭內院。朕惟自古帝王勤學圖治。必舉經筵  
日講。以資啟沃。今經筵已定於文華殿告  
成之日舉行。日講深有裨益。不宜刻緩。爾  
等卽選滿漢詞臣學問淹博者八員。以原  
銜充講官。侍朕左右。以備諮詢。  
是年十一月。



諭吏部日講官侍從禁庭朝夕進講。國子監衙門較遠。職任難兼。如遇祭酒司業員缺。不必以日講官推補。

謹按是年翰林尙隸內三院。故與國子監有衙門遠近之別。康熙九年。再置翰林院。日講官額缺。歷年遞增。應陞祭酒人員。不兼日講官者少。厥後



祭酒司業缺出。吏部將應陞人員。通

行引

見恭候

欽簡。如擢用之員。兼講官。仍開講官之缺。

十四年十二月。增設日講官十員。

康熙七年九月。內秘書院侍讀學士

熊賜履疏請遴選儒臣。簪筆左右。一



言一動。書之簡冊。以垂永久。報可。

十年八月。置起居注館於

太和門西廊。設滿記注官四員。漢記注

官八員。俱以日講官兼攝。並設滿主

事一員。漢軍主事一員。漢主事二員。

十二年。增設滿記注官一員。漢記注

官二員。



十六年。增設滿記注官一員。

二十年正月。

諭翰林院。日講官敷陳經史。日侍顧問。贊襄  
典學。職務繁多。宜廣其員。以彰右文之治。  
現在滿官足用。漢官尚宜增添。著卽開列  
應用各員職名具奏。

是年增設漢記注官八員。



三十八年七月。裁起居注滿漢主事各一員。

五十七年三月。停起居注。記注之事。專歸內閣。

雍正元年四月。復起居注官。

諭曰。自古帝王臨朝施政。左史記言。右史記動。蓋欲使一舉動一出言之微。無不可著。



爲法則垂範百世也。

皇考聖祖仁皇帝。英年踐阼。卽設日講起居  
注官。於詞臣中。擇其才品優長者。以原官  
充補。鉅典茂昭。度越前代。誠爲聖帝哲王  
之盛事。

御極六十一年。紹精一執中之統。厲敬

天勤民之心。文謨武烈。經緯萬幾。盛德日新。



大業鴻顯。天下臣民。仰瞻至治。不啻日月  
麗天。江河行地。莫不敬信悅服。記注之臣。  
美不勝書。

皇考聖祖仁皇帝謙德彌光。聖不自聖。惟恐  
史官或多溢美之辭。故康熙五十六年以  
後。裁省記注。祇令翰林五員。於理事時輪  
侍班行。凡有重務要旨。仍令內閣諸臣記



而存之。意至周密也。茲朕纘承大統。夙夜  
兢業。日昃不遑。思所以上繼

皇考功德之隆。下致四海晏安之治。顧惟涼  
德。甚懼負荷之難。今御門聽政之初。益當  
寅畏小心。綜理庶事。咸期舉措允宜。簪筆  
侍臣。何可闕歟。當酌復舊章。於朕視朝臨  
御。



郊祀

壇

廟之時。令滿漢講官各二人侍班。不獨記載  
諭旨政務。或朕有一言之過。一事之失。皆  
必據實書諸簡策。朕用以自警。冀寡悔尤。  
庶幾凜淵冰之懷。以致久安。慎樞機之動。  
而圖長治。其仍復日講起居注官。如康熙



五十六年以前故事。

是年。復設滿日講起居注官六員。漢日講起居注官十二員。如有奉差。將應開列之員。題請

簡署。差滿代還。並設起居注滿主事二員。

謹按起居注館事務。歸掌院學士兼管。其日講起居注官。掌院學士例得



坐充滿漢各一缺。餘以詹事讀講學士而下坊局編檢等官。開列充補。

又按翰詹兼日講官者。如陞任別衙門。則不應兼充。惟汪由敦以提督四譯館太常寺少卿。許王猷以內閣學士。皆蒙

高宗純皇帝特旨。仍予兼充。非常制也。



十二年七月。增設起居注漢主事一員。

乾隆元年十二月。增設滿日講起居注官二員。

二十九年二月。御史秦釁奏准。嗣後日講官缺出。請將少詹事以下等官。及俸深之編檢十員引

見。

謹按向例。日講官缺出。翰林院開列  
具本題補。惟雍正六年五月。

特旨將開列人員引

見。後仍循例題請。至是始定引

見之例。

是年三月。掌院學士劉統勲。觀保。奏



准詹事亦係應充日講官之員。嗣後遇有缺出。將詹事一體引

見。

三十九年十二月。掌院學士舒赫德。

于敏中。奏准。日講官奉差。

簡員署理。或又有陞遷事故。其間充署迭更。輾轉承接。若某缺定歸還某員。則出

缺太繁。殊多未便。嗣後祇應按缺計員。不必以員拘缺。

五十八年九月。掌院學士和珅。彭元瑞。奏准。日講官奉差。將應署之員。繕寫綠頭籤進。

呈恭候

欽派。停其引



見。

嘉慶四年二月。復署日講起居注官

引

見例。

八年六月。

諭彭元瑞英和奏請增設滿講官一員。日

講起居注官滿員向止八缺。較漢員減

少四缺。每遇侍班及舉行典禮。不敷勻派。著照所請。准其增設滿講官二員。作為額缺。該衙門卽行帶領引見。候朕簡派。

九年正月。掌院學士朱珪。英和。奏請詹事照掌院學士之例。坐充日講官。得



三朝詩林典故 卷一  
旨詹事府詹事。准其照翰林院掌院學士之例。坐充日講起居注官。著爲令。

文淵閣

乾隆四十一年六月。

諭曰。昨四庫館進呈袁集永樂大典散篇內。有麟臺故事一編。爲宋待制程俱撰。具詳當時館閣之制。所載典掌三館祕閣書籍。

以執政領閣事。又有直祕閣。祕閣校理等官。頗稱賅備。方今蒐羅遺籍。彙爲四庫全書。每輯錄奏進。朕親披閱釐正。特於文華殿後。建文淵閣。弃之以充策府。而昭文治。淵海縹緗。蔚然稱盛。第文淵閣。國朝雖爲大學士兼銜。而非職掌。在昔並無其地。茲旣崇構鼎新。琅函環列。不可不設官兼掌。



以副其實。自宜酌衷宋制。設文淵閣。領閣事。總其成。其次爲直閣事。同司典掌。又其次爲校理。分司註冊點驗。所有閣中書籍。按時檢曝。雖責之內府官屬。而一切職掌。則領閣事以下各任之。於內閣翰詹衙門內兼用。其每衙應設幾員。及以何官兼充。著大學士會同吏部翰林院定議列名具

奏候朕簡定。令各分職繫銜。將來卽爲定額。用垂久遠。至於四庫所集。多人間未見之書。朕勤加採訪。非徒廣金匱石室之藏。將以嘉惠藝林。啟牖後學。公天下之好也。惟是鐫刻流傳。僅什之一。而抄錄儲藏者。外間仍無由窺覩。豈朕右文本意乎。翰林原許讀中祕書。卽大臣官員中有嗜古勤



學者並許告之所司。赴閣觀覽。第不得攜取出外。致有損失。其如何酌定章程。並著具議以聞。尋議置領閣事二員。以大學士協辦大學士掌院學士兼充。置直閣事六員。以科甲出身之內閣學士。內班出身之滿詹事以下至讀講學士。漢詹事以下至讀講學士兼充。置校

理十六員。以內班出身之滿庶子以  
下至編檢。漢庶子以下至編檢。及科  
甲出身之內閣侍讀兼充。並置提舉  
閣事一員。以內務府大臣兼充。置檢  
閱八員。以科甲出身之內閣中書兼  
充。皆爲定額。一切章奏文移。令其繫  
銜於本職之上。領閣事直閣事缺出。



應由翰林院列名題請

簡授校理缺出。應由領閣事大學士會同掌

院學士遴選學問優長者數員引

見。請

旨充補。如有奉差。仍依日講官例。請

旨簡署。提舉閣事缺出。應由內務府奏請

簡派。檢閱缺出。應由領閣事遴選奏明充補。

從之。

謹按充直閣校理等秩者。如陞至不  
應兼充之官。則開缺另請。

簡補。惟紀昀。陸錫熊。陸費墀。俱於初設閣秩  
時。兼直閣。後洊陞京堂侍郎尙書。仍  
予兼充。嘉慶八年。戴衢亨以尙書  
特授直閣。皆爲一時曠典。



又按章寶傳。劉謹之。劉錫嘏。以給事中御史兼充校理。蓋三人本充四庫館提調。故預是選。非定制也。

五十四年二月。裁直閣事二員。校理八員。檢閱二員。

五十八年十一月。掌院學士和珅。彭元瑞。奏准。校理照檢閱之例。揀員奏

補。

嘉慶四年二月。掌院學士那彥成。彭  
元瑞。奏准。將應充校理人員。全行開  
列。並將內閣移送應充檢閱人員。一  
體開列。恭候

簡充。

九年正月。掌院學士朱珪。英和。以遵



旨續增四庫全書歸架。校對需人。奏請復  
直閣以下舊額。得

旨。翰林院衙門奏。請復直閣校理檢閱一  
摺。文淵閣庋藏書籍。現有續增歸架各  
冊。著准其增設校理四員。協同武英殿  
纂修各員校對。其直閣檢閱。均無庸增  
設。

是月掌院學士朱珪英和奏准如遇  
校理缺出將未兼日講官之庶子以  
下及俸深編檢二十員開列檢閱缺  
出行文內閣咨取科甲出身資俸較  
深行走勤慎中書一缺二員開列具  
奏恭候

簡充。



前

奏

奏

出

丁

跡

皇朝詞林典故卷十七

永

皇朝詞林典故卷十八

官制

內擢

順治九年五月。令內三院修撰編修  
檢討。依科分序資陞轉。

是年六月。擢編修程芳朝。蔣超爲修  
撰。檢討李蔚。沙澄傳作霖。宋杞。劉澤



芳石申爲編修。

謹按一甲一名進士授修撰。二名三名授編修。二甲三甲選庶吉士。俟散館時二甲授編修。三甲授檢討。品級雖分。陞轉無別。定制也。是年之擢。後不復見。

又按順治己丑科。姜元衡以編修降

檢討。雍正癸丑科。于振以修撰降行人。

召試詞科。復授編修。范咸以檢討。洊陞庶子。罷官。復授編修。乾隆庚子科。法式善以檢討。洊陞祭酒。罷官。復授編修。皆爲創格云。

十一年三月。令翰林官陞轉俱歸吏



部。

十六年二月吏部題補吏部右侍郎

缺得

旨內閣既不設學士翰林官無缺可陞嗣後  
吏部侍郎缺出著照禮部侍郎之例亦用  
翰林官補授。

謹按漢員吏部侍郎一兼學士銜一

不兼學士銜。故事不兼學士銜者翰林官不得推補。至是亦得開列。

康熙十一年閏七月內閣翰林院奏准翰林職掌專事纂修與部院衙門不同。若非優通文義難以辦理。嗣後滿洲侍讀學士以下等缺應聽各衙門於應陞官員內擇文義優通者擬



定正陪咨送吏部。

謹按滿洲庶吉士編修檢討較少。往往翰詹缺出。不敷陞補。則以各部院衙門科甲出身司員簡選陞用。是爲外班翰林。

三十三年閏五月。

諭朕先慮翰林官壅滯。故用數人於部院衙

門所用數人。學問皆優。如有翰林缺出。仍著開列陞補。

謹按先是三十年十月。以少詹事徐潮等十人。爲通政使司等各衙門京堂。故有是

命。

又按翰詹改補京堂之例。太常寺卿。



光祿寺卿。太僕寺卿。缺出。以少詹事  
侍讀學士。侍講學士。祭酒開列。順天  
府府尹。通政副使。大理寺少卿。缺出。  
以侍讀學士。侍講學士。庶子開列。太  
常寺少卿。鴻臚寺卿。太僕寺少卿。順  
天府奉天府府丞。缺出。以侍讀。侍講  
洗馬。中允。司業。贊善。開列。俱在正本

之外。另爲夾單。京堂由翰詹改補者。如遇翰詹應陞之內閣學士缺出。以太常寺卿。順天府府尹。光祿寺卿。太僕寺卿。通政副使。大理寺少卿開列。詹事缺出。以光祿寺卿。太僕寺卿。通政副使。大理寺少卿開列。亦入夾單。又按翰詹開列京堂。滿漢不同。滿洲



則通政使大理寺卿缺出。以詹事開  
列。太常寺卿奉天府府尹。光祿寺卿  
太僕寺卿缺出。以少詹事侍讀學士  
侍講學士祭酒庶子開列。俱在正本。  
並無夾單。

三十八年九月。

諭吏部比年內陞官員少。京堂懸缺者多。翰

林官甚衆。陞遷壅滯。爾等將現出京堂之缺。及翰林官職名一併開列。

四十八年定制。翰林院暨詹事府各官。凡有陞轉。均以編修檢討任內俸通論。

謹按翰詹論俸之例。凡職銜相同之員。不以到任先後爲序。而以從前歷



任之俸爲序。惟庶子中允贊善仍以  
現任左右爲序。此例專指漢員。若滿  
員。惟論現任俸陞轉。詳見後。

五十七年八月。吏部議覆。左都御史  
蔡升元奏請。六部侍郎缺出。不論翰  
林京堂。應陞之員。通行開列。從之。

謹按向例。惟吏禮二部侍郎爲內閣

學士。詹事。少詹事。讀講學士。祭酒。應  
陞之缺。其戶兵刑工四部侍郎。則以  
各京堂陞補。至是並予列名。

雍正元年正月。

諭吏部滿洲翰林向無陞轉之途。伊等如何  
陞轉之處。著議奏。尋議侍讀侍講。諭德。洗  
馬。司業缺出。以編修檢討論俸推陞。



一員以中允贊善及科甲出身之各部司員。陞補一員。少詹事。侍讀學士。侍講學士。庶子缺出。以侍讀。侍講。諭德。洗馬。司業。推陞一員。以科甲出身之科道等官。陞補一員。從之。

謹按滿洲編修檢討。不陞中允贊善。中允贊善缺出。則以科甲出身之主

恩事中書小京官筆帖式陞補故中允  
贊善與司員皆爲外班。且有試俸之  
例。中允一年。贊善二年。期滿後始得  
陞遷。至乾隆五十六年。部議停其試  
俸。

二年定制。翰林凡遇陞轉。由院會同  
詹事府。以應陞。其次應陞各員職名。



咨送吏部題請。奉差仍得咨送。并定革職降調。復擢翰林者。不得論前俸之例。

謹按斷俸之例。始於是年。至嘉慶八年九月。吏部議定。翰林惟大考降補者。得接俸。而仍定以限制。詳見

恩遇考試卷中。

十年十月

諭內閣。翰林官曾降旨記名褒獎議叙。及申飭訓誨處分之處。著繕單於題請陞轉派差時隨本進呈。

乾隆二年十一月。

諭吏部。翰林開坊缺出。著將俸深人員開列二十員。帶領引見。



謹按翰詹漢員陞轉。惟修撰編修。檢討。開列司業贊善。例由引

見贊善以上。則以應陞。其次應陞人員。具本題請。祭酒缺出。不分應陞。其次應陞人員。通行引

見。嘉慶十年。奉

旨。祭酒一缺。改爲開列具題。詳見後。

三十四年正月。漢中允缺出。其次應  
陞之修撰編修檢討。不敷二十員數。  
翰林院依開列試差暨日講官例。以  
丙戌科之一甲進士授職編修。姚頤  
劉躍雲咨送。經部議二人尙未散館。  
不應開列。奏明更正。

謹按修撰編修檢討。例應開坊之二



十員內。如有事故。不克引

見。則聽其闕如。雖此外編修檢討尙多。不得  
充數列名。

又按編檢二十員內。奉差外省。遇有  
坊缺。係例應題請者。仍得照例開列。  
係例應引

見者。則於奏摺中聲明。不入綠頭籤。

五十六年五月。吏部議定。滿洲少詹事缺出。專以讀講學士論俸擬正陪。讀講學士缺出。專以庶子侍讀侍講。洗馬司業論俸擬正陪。俱由引見。並議定外班還缺之例。

謹按先是滿洲少詹事與讀講學士並列。少詹事讀講學士缺出。俱由大



學士於庶子。侍讀。侍講。洗馬。司業。及  
科甲出身之正五品以下京堂。科道  
郎中各員內。一體揀選。擬正陪引。

見。至是部議更正。

又按定制。滿洲詹事缺出。以少詹事。  
讀講學士。祭酒。庶子。及科甲出身之  
正四品京堂爲應陞。科甲出身之從

四品以下京堂及科道爲其次應陞。  
具本題補。庶子缺出。以侍讀侍講洗  
馬司業爲內班。正五品以下京堂科  
道中允郎中員外郎等官爲外班。侍  
讀侍講洗馬司業缺出。以編修檢討  
爲內班。中允贊善員外郎主事等官  
爲外班。間缺題補。內班論俸。外班初



皇朝詩林典  
卷一  
由保送。後改揀選。俱擬正陪引。

見如內班止餘一人。則以外班擬陪。內班無人。則以外班抵補。至是部議俟內班應陞有人時。計缺依數歸還。如擬正之員。遇有奉差。或俟其回京之日。再行引。

見。或將應陞人員。另擬正陪之處。由部具奏。

恭候

欽裁。

又按定制。滿洲司業缺出。以內外班

應陞之員。一體揀選。擬正陪引

見。祭酒缺出。以庶子。侍讀。侍講。洗馬。司業。通

行引

見。



又按論俸陞轉之例。滿漢不同。漢員  
通論前俸。滿洲則專論現任俸。惟庶  
子之由侍讀。侍講。洗馬。司業。陞任者。  
開列讀講學士。仍接論侍讀。侍講。洗  
馬。司業之俸。蓋侍讀。侍講。洗馬。司業。  
原與庶子一體。應陞讀講學士也。蒙  
古歸滿洲論俸陞轉。漢軍歸漢員論

俸陞轉。

嘉慶五年二月。吏部議定。侍講學士之轉侍讀學士。侍講之轉侍讀。如有在侍讀學士。侍讀出缺之後。新授侍講學士侍講者。不得論俸轉補。謹按向例。由講轉讀。惟論前俸。不計出缺後先。至是更正。庶子中允贊善。



由右轉左。不在此例。

是年五月。吏部議定。侍讀。侍講。缺出。以洗馬與中允。贊善一體開列。中允缺出。以司業與贊善論俸開列。

謹按向例。漢員內閣學士缺出。以詹事。少詹事。侍讀學士。侍講學士。祭酒。爲應陞。庶子。侍讀。侍講。爲其次應陞。

詹事缺出。以少詹事。侍讀學士。侍講學士。祭酒爲應陞。庶子侍讀。侍講爲其次應陞。少詹事缺出。以侍讀學士。侍講學士。祭酒庶子爲應陞。侍讀。侍講。洗馬爲其次應陞。讀講學士缺出。以庶子。侍讀。侍講爲應陞。洗馬。中允。司業。贊善爲其次應陞。祭酒缺出。以



庶子。侍讀。侍講。爲應陞。洗馬。中允。司業。贊善。爲其次應陞。庶子缺出。以侍讀。侍講。洗馬。爲應陞。中允。司業。贊善。爲其次應陞。侍讀。侍講。洗馬。缺出。俱以中允。司業。贊善。爲應陞。修撰。編修。檢討。爲其次應陞。中允。缺出。以贊善。爲應陞。修撰。編修。檢討。爲其次應陞。

司業贊善缺出。俱以修撰編修檢討。  
爲應陞。至是部議。翰詹開列。同班中  
有庶子。卽不能有洗馬。侍讀侍講。旣  
得與庶子並列。卽以侍讀侍講爲洗  
馬。應陞之缺。又議司業贊善。雖有正  
六品從六品之分。均爲修撰編修檢  
討開坊之缺。其陞轉究應畫一。奏明。



更正。遂爲定制。

又按司業贊善較俸開列之例。贊善以左右爲序。不能越次。如司業俸較深於左右贊善。將司業列於左右贊善之前。如較左贊善俸淺。較右贊善俸深。將司業列於左右贊善之間。如較左贊善俸深。較右贊善俸淺。仍將

司業列於左右贊善之後。

八年三月奉

旨。向例滿洲內班翰林。不陞轉中允贊善。  
遇有缺出。由外班補授。朕思漢缺中允  
贊善。定爲編檢陞階。滿洲翰林品級與  
漢缺一例。嗣後遇有滿中允贊善缺出。  
著先儘編檢論俸陞補。以次遞轉。如內



班無人再由外班揀選。其侍讀侍講缺出。應用內班者。先儘內班之中允贊善陞用。如內班中允贊善無人。仍准其以編檢陞補。

十年六月。

諭翰詹陞轉各缺。自內閣學士以至中允。均係由吏部開列銜名。題請簡放。惟國

子監祭酒。向例將應陞人員。帶領引見。補授。辦理殊未畫一。國子監漢祭酒一缺。著改爲開列請簡。以符體制。

外調

順治十二年九月。

諭翰林官簡擢中秘。習知法度。今用人孔亟。必得文行兼優者。以學問爲經濟。助登上。



理。茲朕親行裁定。陳爌黃志遴。主無咎。楊  
思聖。藍潤。王舜年。范周。馬華曾。沈荃。陳彩。  
鄧旭。徐必遠。于朋舉。王勰。耿介。崔之瑛。湯  
斌。盧高。皆品行清端。才猷贍裕。各照外轉  
應得職銜陞一級用。遇缺卽補。須益矢忠  
勤。興利除弊。副朕圖治安民至意。

是年定制。詹事以布政使用。支正二

品俸。少詹事以布政使用。侍讀學士。以按察使用。侍讀中允。以叅政用。編修檢討以副使用。

十六年九月。

諭吏部。人才久厯外任。方能諳練事情。克稱任使。今後翰林官。除照常陞轉外。與科道一體按年外轉。爾部會同翰林院。議定具



奏尋議侍讀以下。照科道例。每年外轉。春秋各一員。侍讀侍講以叅政用。修撰以副使用。編修檢討以叅議用。從之。

十八年九月。吏部奏翰林已歸併內三院。請將例應外轉侍讀以下等官開列引。

見得

旨翰林官現在無多。且皆經酌量選用。以後不必外轉。

康熙三十七年十二月。左都御史吳涵疏言。翰詹之儲材日廣。陞轉之壅滯宜疏。請變通以收實用。

皇上親選庶吉士。每科三十餘人。教習三載。



又荷

親試分別等第錄用。或科道。或部屬。優者留  
館爲編修檢討。至陞轉一途。部屬四  
五年卽陞道府。科道四五年外轉道  
員。內陞四品京堂。不數載旋躋卿貳。  
惟留館之編修檢討。每有歷俸十餘  
年而不得遷中允贊善者。由中允遷

侍講侍讀等官。有歷十餘年而僅止五六品者。今編修檢討五六十人。開坊而上約三十人。以七八十人而經年不遇一缺。不轉一人。

皇上愛惜人材。破格外用。則編修李濤檢討汪楫等以知府用。破格改授。則少詹事王士禎徐潮。侍讀顧藻。編修王九



齡等。以副都御史通政使督捕理事。  
官通政司叅議各缺用。但曠典難期。  
積久壅滯。仰懇

聖恩。酌復變通。編修檢討。或照李濤等之例。  
外補一二人。少詹講讀學士等官。或  
照王士禎等之例。以京堂各衙門調  
補一二人。每年開列一次。恭候

欽點。庶仕路均平。羣材競奮。得旨。所奏極是。翰林官員。係進士內選拔者。教習三年。又行考試。擇其善者。始留衙門。伊等應陞缺少。以致壅滯。此奏朕已知之。不必令部議也。

謹按先是翰林外轉。專用監司。康熙二十八年五月。編修李濤。丁廷樞。檢



討汪楫始外用知府。至是以吳涵請。  
復改檢討。劉涵爲揚州府知府。其調  
補京堂并奉

明旨。已見內擢中。

雍正元年十月。

諭。國家建官分職。於翰林之選。尤爲慎重。必  
人品端方。學問純粹。始爲無忝厥職。所以

培館閣之才。儲公輔之器也。從前

聖祖加意育才。循循訓導。又纂修各種書籍。需員甚多。故翰林院編檢幾至二百人。庶吉士亦五六十人。朕臨御之初。未有編纂諸事。又未能如

聖祖之善於訓導。誠恐人材置之間散。特多方錄用。內而科道吏部。外而道府州縣。俱



各隨材器使。務令疏通。今編檢尚有百餘人。庶吉士尚有數十人。著內閣大學士。會同翰林院掌院教習。秉公別擇。其學問優長。字畫端楷。或精於繙譯國書者。留本衙門辦事。及分各館纂修。其或才具練達。可當科道吏部之選。或長於吏治。編檢可爲道府。庶吉士可爲州縣者。一一分別具奏。

乾隆八年四月。

諭編修檢討中。有能勝知府之任者。著大學士等揀選數員。交與吏部帶領引見。

十四年九月。

諭。近年翰林人員。外用者少。著大學士會同翰林院掌院學士。將可勝道府之任者。於編修檢討內揀選數員。帶領引見。



二十九年二月。

諭翰林人員。向有外用道府之例。著大學士會同翰林院掌院學士。將才堪勝任道府者。揀選數員。帶領引見。

京察

乾隆二十九年四月。吏部議覆掌院學士劉統勲奏。滿洲翰林之兼部人

員。遇京察考核。令該部堂官分別等第。出具考語。封送翰林院辦理。從之。  
謹按滿洲外班翰林。例得奏留原衙門行走。

三十二年十一月。吏部議覆御史王懿德奏。翰林院讀講學士及詹事府庶子等官。職任清華。與小京堂相等。



京察一體歸王大臣驗看引  
見從之。

三十六年四月。

諭。本日引見京察各員內翰林院庶吉士。亦  
有列入一等者。該員尚未散館授職。不應  
遽膺薦剡。著徹去。嗣後庶吉士保列一等  
之例。著停止。

謹按自是年後。每遇京察。庶吉士不  
列一等。仍槩以二等註考。至乾隆五  
十六年十一月。大學士和珅奏。准停  
庶吉士京察。

是月。又

諭。今日吏部引見京察人員。比較單內。翰詹  
衙門保送一等者。已較上屆爲多。其外又



有兼部行走之員。由部註考。仍附本衙門引見。雖屬循例辦理。但此等人員。旣以職係翰林。不佔部員之數。而翰詹衙門。又以由部保薦。聽其溢於舊額。似此兩相影射。浮濫漸滋。殊非慎重考績之道。所有此次兼部翰林之保列一等者。俱著徹去。夫翰林旣兼部務。掌院卽不復過問其人之勤。

情優劣。惟各部堂官體察而甄叙之。京察時既與司員一例殿最。又何必因其籍在詞垣。強爲分別。不偕曹司引對乎。嗣後滿洲翰詹各員。有兼部行走列在一等者。卽入於各該部保送員數內。一體比較。其仍歸本衙門另班聲叙之例。不必行。

五十六年十一月。御史五泰奏准詹



事府洗馬中允贊善各員京察俱歸  
翰林院掌院學士兼管其主簿等官  
仍由詹事考核。

謹按掌院學士兼管詹事府京察考  
核。至嘉慶五年十一月。欽奉

諭旨。仍歸詹事辦理。詳見詹事府卷中。

嘉慶五年五月。

諭。繼善奏。四五品京堂及翰詹學士等官。  
停止驗看。請照三品京堂一體帶領引。  
見等語。所奏甚是。向來四品京堂及翰  
林院讀講學士。並左右庶子等官。每遇  
京察之年。係吏部開列王大臣名單。請  
旨簡派驗看。分別等第。由吏部帶領引。  
見。但此等人員。職分較大。俱係朕特加



簡擢伊等與王大臣向無交涉事件。又無統屬。其賢否何由深知。所定等第亦未必確當。況於驗看後。仍帶領引見。又何必多此一番驗看爲耶。嗣後四五品京堂。及翰詹讀講學士等官。卽照三品京堂之例。一體帶領引見。不必由王大臣驗看著爲令。

是年十一月

諭。向來翰林院編修檢討遇有京察保列一等記名者。俱與開坊各員一體簡放道府。但編修檢討只係七品。而道府則係四品。職級相去甚遠。乃編修等一經保列記名。卽邀簡用道府。未免太優。且編檢職係詞垣。其由掌院學士保列一



等者。大率因其學問較優。年力精壯。登之薦牘。引見時。量予記名。並非考試優等者可比。該員等卽長於文藝。究未經政務。於地方民事。豈能諳習。遽膺方面。恐不免致有貽悞。嗣後除業經開坊之翰詹等官。及修撰。京察一等記名外用者。遇有道府缺出。仍開列請旨。其編檢

京察一等記名外用者。遇有同知直隸州知州缺出。開列簡放。著爲令。

是月。

諭。昨已降旨。將翰林院編修檢討。京察一等記名外用者。遇有同知直隸州知州缺出。開列簡放。原因編檢與道府品級相去較遠。遽加擢用。未免過優。今思編



檢開坊。祇係按照俸次。其京察引見。准列一等者。未必俱係俸深人員。嗣後編檢各員。遇有坊缺。著將京察一等記名之員。於引見時。排單綠頭牌。及開列本內。詳細註明。各該員開坊後。遇有道府缺出。卽一體開入簡放。著爲令。

九年三月二十六日。吏部帶領京察

一等之侍讀。覺羅桂芳。吳鼐。侍講。貴慶。主引之。修撰趙文楷。編修狄夢松。戴殿泗。黃焜望。李翊。吳榮光等。引見得。

旨。趙文楷。黃焜望。著交軍機處記名。以道府用。

十年十一月初六日。吏部遵



旨帶領九年京察一等未經記名之編修

狄夢松戴殿泗引

見得

旨。狄夢松著交軍機處記名。以道府用。

謹按翰林院滿漢侍讀侍講暨編修

檢討。凡遇京察。一體核記。於七員內

卓薦一員移送吏部引



見恭候

欽定。或記名外用。或准其一等。編修檢討。俱加一級。開坊翰詹依外省藩臬例。雖列一等。不得加級。

又按京察定制。各衙門官員。非俸滿三年者。不得卓薦。翰詹以庶常俸通論。至推陞論俸。仍自授職爲始。詳見



內擢中。

皇朝詞林典故卷十八



